

Жароткел негізгі орта білім беретін мектебі

*2023 - 2024 оқу жылының
«Оқуға құштар мектеп,
«Балалар кітапханасы» жобаларының
және мектеп кітапханасының
біржылдық жұмыс есебі.*

2023 - 2024 оқу жылының «Оқуға құштар мектеп,
«Балалар кітапханасы» жобаларының және мектеп кітапханасының
I жартыжылдық жұмыс есебі.

Жарәткел негізгі орта білім беретін мектебінің 2023 – 2024 оқу жылына «Оқуға құштар мектеп», «Балалар кітапханасы» жобалары және кітапхана жұмысына жоспар құрылып, бекітілді. Жоспарға сай әр шара өткізілді. Тамыз айында оқулықтарды оқушыларға таратып, қыркүйек айында оқушылар толық оқулықпен қамтылды. 22 – қыркүйек Тілдер күніне орай «Тіл мерейі, ел мерейі» атты көрме өтті. Көрмеде А.Байтұрсыновтың шығармаларына шолу жасалды.



Қыркүйек айында «Қош келдің жас оқырман» атты кітапханаға саяхат жүргізілді. I сынып оқушыларын мектеп кітапханасымен таныстырып, кітаптарды пайдалану туралы түсінік берілді. Кітапханаға келген оқырмандарды тіркеп, жаңа формуляр толтырылды. Сонымен қатар кітапхана күнделігі толтырылып, жүргізіліп отырады. «Оқуға құштар мектеп» жобасы аясында Оралған Бөкейдің 80 жыл толуына орай «Алтайдың асқак жыршысы» атты кітап көрмесі ұйымдастырылды.



Қазан айында Т.Ахтановтың 100 жыл толуына орай «Шырағы сөнбеген кемел тұлға» атты көрме ұйымдастырылды. Көрмеге Т.Ахтановтың туындылары қойылды. Оқушылар көрмемен танысып, шығармаларынан үзінді оқыды.

25 қазан Республика күніне орай Қарабұтақ ауылдық кітапханасымен бірлесе отырып «Менің отаным - Қазақстан» атты салтанатты жиын өтті. Салтанатты жиынға «Тәуелсіздік – елімнің еркін жолы» атты көрме қойылды.


Т.Ахтановтың туындылары қойылды.



Қазан айының жоспарына сай «Балалар кітапханасы» жобасы аясында «Бір отбасы-бір кітап» атты мобильді кітапхана ұйымдастырылды. Қазақ ертегілерін QR арқылы оқып, электронды түрде ютуб желісі арқылы балалар ертегіні көре алады.



«Оқуға күштар мектеп» жобасы аясында күзгі демалыс кезінде «Күзде біз жалықпаймыз, кітап оқимыз» атты іс – шараларды ұйымдастыру барысында бастауыш сынып оқушыларына «Ертегілер еліне саяхат» шара өтті. Оқушыларға ертегі оқып, ертегінің кейіпкерлерінің суретін салды. Сонымен қатар ертегінің кейіпкерлерін сөйлете отырып, ертегі айтты.



15 қараша Ұлттық валюта күніне орай «Теңге – тәуелсіз Қазақстанның валютасы» атты сайыс өтті. ҚР-ның халықаралық валютасы Теңгенің алғашқы қолданысқа енгізілгеніне 30 жыл толуына орай 6-7 сынып оқушыларымен сайыс түрінде өткізілді. Сонымен қатар көрме де таныстырылды.

Қазақ елін қалыптастырып, нарықтың қиын өткелектерінен аман өткізіп келеміз. Осы кезеңде Қазақстанды дүние дидарындағы ең мықты мемлекеттер танытындай, сыйлайтындай деңгейге жеткізген тұңғыш президентіміз Нұрсұлтан Назарбаевтай көреген саясаткердің ерен еңбегін дәл

бүгін және әрқашанда айтып өтеміз. Оқушыларға тәуелсіз қалай қандай азат пен қиыншылықпен келгенін түсіндіріп, бейнероликтер көрсетілді. Сонымен қатар құрбан болған аға – апаларымызды еске алып және қаһарман азаматтар таныстырылды. «Тәуелсіздік жетістіктері» атты көрме ұйымдастырды. Көрмені оқушыларға таныстырып, көптеген мәліметтер берілді.






«Оқуға күштар мектеп» жобасы бойынша сыныптар арасында «Мен оқыған бір ертегі» атты сахналық қойылым өтті. Сахналық қойылымға бастауыш сыныптар белсене қатысты. Сайыс 3 кезеңнен тұрды.

1 кезең «мен оқыған бір ертегі» (сахналық қойылым)

2 кезең «Ерте, ерте, ертеде» (ертегінің атын тап)

3 кезең «Ертегілер елінде» (пазыл құрау)

Сайыс барысында 3 жүлделі орын және 1 номинаци болды. 1 орынға ие болған 2 сынып оқушылары болса, «Көрермендер көзайымы» номинациясына 4 сынып оқушылары ие болды. Сайыс соңында оқушыларды марапаттап, тәттілер таратылды.



9 - ақпан Хантәңірінің Мұзбалағы атанған ақын Мұқағали Мақатаевтың туған күніне орай «Мұқағали – мәңгілік ғұмыр» тақырыбында әдеби сазды кеш өтті.

Мақсаты: ақынның артына айрықша өшпейтін із қалдырған М.Мақатаевтың өмірі мен шығармашылығына шолу жасау, еске алу. Кеш барысында ақынның өміршең өлеңдері оқылып, көрініс қойылды. Мұқағалидың сөзіне жазылған әндер де шырқалып, қосымша мәліметтер айтылды. Сонымен қатар кітап көрмесі және ақынның өз даусымен оқылған өлеңдерін оқушыларға таныстырылды.



5-6 сыныптар арасында «Мақал - сөздің азығы, жұмбақ ойдың қазығы» тақырыбында сайыс өтті.

Мақсаты: жас ұрпақтың бойына ата – бабамыздан қалған өшпес мұра, қымбат қазынасы мақал – мәтел және жұмбақты дәріптеу. Сайыс барысында қатысушылар «Алғырлар», «Білгірлер», «Тапқырлар» болып 3 топқа бөлінді. Сайыс барысында мақалдың жалғасын тапса, жұмбақ шешіп, сол мезетте жаңылтпаш айтып өз ойларын ортаға салды.



«Үздік оқырман - 2024» атты сайысы


Мақсаты: Ұлттық сана- сезімі жоғары, рухани ойлауы терең, мәдениетті, парасатты, ар-ожданы мол, еңбекқор ұрпақты кітап оқу арқылы тәрбиелеу. Кітапты сүйе білуге, кітапты қадірлеуге баулу.

Эстетикалық пәндер бірлестігі апталық аясында және кітапхананың жоспарына сәйкес «Үздік оқырман -2024» бастауыш сыныптар арасында сайыс өтті.

Сайыс 3 кезеңнен тұрады:

1. «Кітап – білім бұлағы»
2. «Библио почта»
3. «Тапқыр болсаң, тауып көр»

Сайысқа қатысушылар: 2 – 4 сыныптар оқушылары болды. Сайыс барысында жас оқырмандар сұрақтарға жауап беріп, өзі оқыған жасырын көркем әдебиеттерді тауып, белсенділік танытты. «Үздік оқырман» атағына ие болған – 4 сынып оқушысы Берік Ә, 1 орын 4 сынып оқушысы – Жетпісбаева А, 2 орын 3 сынып оқушысы Серікқызы Ә, 3 орын 3 сынып оқушысы – Жетпісбаев Б жүлделі орындарға ие болды. Қалған қатысушылар белсенді қатысқаны үшін марапатталды. Сайыс соңында жас оқырмандарды марапаттап, тәттілер таратылды.



«Кітап – ғажайып әлемі» атты дөңгелек үстел өтті. Мақсаты:

Халықаралық кітап күніне байланысты оқырмандардың ой-өрісін, сөйлеу мәдениетін дамыту, кітап оқуға баулу, тапқырлыққа, ұтымды ой айтуға, оқыған кітаптарын талдай отырып, рухани тәлім-тәрбие беру. Оқырмандардың өздігінен жұмыс істей білуге баулу.

Кітап – нәзік те, тұнық әлем. Кітап – білімнің түпсіз аспаны, терең бастауы. Ұлтымыздың мерейі мен деңгейі қоғам мен мемлекетіміздің өркенін өсіруде қыруар пайда келтіретін осынау рухани қазына - кітап. Балалар кітабы халықаралық кеңесінің шешімімен 1967 жылдан бастап балалардың сүйікті ертегішісі Ганс Христиан Андерсеннің туған күні, яғни 2 сәуір халықаралық балалар кітабы күні деп бекітілген. Мұның басты мақсаты – әлем балаларын әдебиетке жақын болуға шақыру, кітап оқуға үндеу, адам өмірінде кітаптың алар орны ерекше екенін түсіндіру, «кітап – білім бұлағы, ал білім – өмір шырағы» екенін жеткізу.

Осы мерекеге орай 1-4 сыныптар арасында «Кітап ғажайып әлем» атты дөңгелек үстел өтті. Оқушыларға кітаптың шығу тарихымен таныстыра отырып, әр түрлі тапсырмалар берілді. Сонымен қатар балаларға арналған көркем әдебиеттермен таныстырылып, көрме ұйымдастырылды. Оқушылар кітап, білім, оқу туралы мақал – мәтелдер айтып, өз ойларын жеткізе білді.



12 сәуір Ғарышкерлер күніне орай дәлізге қазақтың тұңғыш ғарышкері Т.Әубәкіров және Т.Мұсабаев, А.Мұратбеков туралы мәліметтер ілініп, оқушыларға таныстырылды. «Аспан денелері», «Көлеңкесін тап» атты тағы да басқа қызықты ойындар ойнатылды. Сонымен қатар бастауыш сынып оқушыларына пазыл құрау ұйымдастырылды.

«Кітап – білімнің қайнар көзі» тақырыбында 1-9 сыныптардың оқулықтарын жоспар бойынша уақытында жиналды.